



Broj: 01-28/17

Datum: 10.01.2017. godine

Na osnovu člana 20. Zakona o namještenicima u organima državne službe u Federaciji BiH („Službene novine Federacije BiH“, broj: 49/05), a u vezi sa članom 23., 24. i 28. istog Zakona, te člana 27. Pravilnika o unutrašnjoj organizaciji službi za upravu Općine Travnik („Službene novine Općine Travnik“, broj: 1/14, 2/14, 8/15, 9/15 i 3/16), načelnik Općine Travnik **r a s p i s u j e**

JAVNI OGLAS

za prijem u radni odnos namještenika na neodređeno vrijeme na radno mjesto viši referent za ovjere

Naziv radnog mjesta:

- Viši referent za ovjere u Službi za opću upravu i BiZ
- 1 (jedan) izvršilac

Radni odnos se zasniva na neodređeno vrijeme.

Opis poslova:

- ovjerava potpise, prijepise i rukopise kao i druge poslove vezane za ovjeru,
- vrši ovjeru punomoći i ugovora,
- vodi propisane evidencije – upisnik za ovjeru potpisa, rukopisa i prijepisa,
- vodi knjigu terena,
- obavlja i druge poslove po nalogu pomoćnika načelnika.

Pored općih uslova propisanih članom 24. Zakona o namještenicima u organima državne službe u Federaciji BiH (državljanstvo BiH, punoljetnost, opća zdravstvena sposobnost, da u posljednje 2 godine od dana objavljivanja oglasa kandidat nije otpuštan iz organa državne službe kao rezultat disciplinske kazne na bilo kojem nivou vlasti u Federaciji, odnosno BiH i da nije obuhvaćen odredbom člana IX 1. Ustava BiH), kandidati trebaju ispunjavati i posebne uslove predviđene Pravilnikom o unutrašnjoj organizaciji službi za upravu Općine Travnik i to:

- SSS završena gimnazija, ekonomska ili upravna škola,
- 10 mjeseci radnog staža,
- položen stručni ispit,
- poznavanje rada na računaru.

U radni odnos može biti primljen kandidat koji nema položen stručni ispit, s tim da je isti dužan položiti kako je to predviđeno članom 32. Zakona o namještenicima u organima državne službe u Federaciji BiH („Službene novine FBiH“, broj 49/05).

Uz prijavu na javni oglas potrebno je priložiti sljedeću dokumentaciju (originalne ili ovjerene fotokopije):

- Izvod iz matične knjige rođenih;
- Uvjerenje o državljanstvu;
- Diplomu o završenoj stručnoj spremi;
- Dokaz o radnom stažu u struci – uvjerenje poslodavca;
- Dokaz o poznavanju rada na računaru – certifikat;
- Dokaz da u posljednje 2 godine od dana objavljivanja oglasa kandidat nije otpuštan iz organa državne službe, a što se dokazuje:
- Ovjerenom izjavom kandidata - odnosi se na kandidate koji nisu radili u organima državne službe ili su nezaposleni;
- Uvjerenjem organa državne službe ako je kandidat bio zaposlen u organu državne službe;
- Ovjerena izjava kandidata da nije obuhvaćen odredbom člana IX 1. Ustava BiH.

- Dokaz o zdravstvenoj sposobnosti kandidati nisu dužni priložiti uz prijavu na javni oglas, već će se navedeni dokaz dostaviti prije donošenja rješenja o prijemu u radni odnos, kao i Uvjerenje nadležnog suda da se protiv kandidata ne vodi krivični postupak (ne starije od 3 mjeseca);

Napomena za sve kandidate:

Odluku o izboru kandidata po ovom raspisanom javnom oglasu donosi rukovodilac organa državne službe Općine Travnik, odnosno općinski načelnik, a na osnovu prijedloga Komisije za izbor koja će razmotriti sve pristigle prijave i utvrditi rang listu uspješnih kandidata u skladu sa uslovima javnog oglasa.

Javni oglas ostaje otvoren 15 dana od dana objavljivanja, a bit će objavljen u dnevnim listovima: „Oslobođenje“, „Večernji list“, te na web stranici i oglasnoj ploči Općine Travnik.

Prijave sa kratkom biografijom i potrebnom dokumentacijom, uz obavezne podatke za kontakt, dostaviti putem pošte ili lično na adresu: Općina Travnik, Komisija za prijem namještenika u radni odnos na neodređeno vrijeme, Konatur bb, 72270 Travnik.

Prijave se dostavljaju u zatvorenoj koverti sa naznakom „Za javni oglas za popunu radnog mjesta viši referent za ovjere u Službi za opću upravu i BiZ na neodređeno vrijeme“.

Nepotpune, neuredne i neblagovremene prijave neće biti uzete u razmatranje.

NAČELNIK

Admir Hadžiemrić dipl.ecc